



TAGATANUU FAALELAGI

Lesona 7 mo Fepuari 14, 2026



'Aua ne'i popole
outou i se mea e
tasi, a ia faailoa
atu o outou manao
i mea uma lava i
le Atua, i le
tatalo, ma le
faatoga, atoa ma
le faafetai. '

Filipi 4:6 sov

I ana tusi uma, ua faamanino mai ai e Paulo e le o ni tagata o lenei lalolagi i tatou. O le taliaina o Iesu e fai ma o tatou Faaola, ua toe fanaufouina ai i tatou. I lea fanaufouina, ua avea ai i tatou ma tagata o le Lagi.

E ui tatou te faaaloalo ma usiusitaia tulafono i tu ma agaifanua o lenei lalolagi, o le mea moni, o lo tatou olaga e tatau ona i se tulaga e maua luga atu, o le amio mama lea.



Tagatanuu faalelagi:

- 🌈 Faaa'oa'o i ē faamaoni (Filipi 3:17-19)
- 🌱 Tagatanuu atoatoa (Filipi 3:20-21)



Ao lei tatou taunuu atu i ai:

- 🔗 Fealofani ma le olioli (Filipi 4:1-6)
- 🔗 Mafauauga mama (Filipi 4:7-9)
- 🔗 Lotomalie (Filipi 4:10-13, 19)

The background is an abstract composition of numerous overlapping triangles in various shades of purple, blue, and magenta. The triangles vary in size and orientation, creating a complex, crystalline pattern. The colors transition from deep purples and blues at the top and bottom edges to lighter, more vibrant magentas and pinks in the center, where the text is located.

TAGATANUU FAALELAGI

FAAA'OA'O I E FAAMAONI

"Le au uso e, ia outou faaa'oa'o faatasi mai ia te au, ia outou vaavaai foi i e o savavali faapea, faapei ona fai o i matou ma faaa'oa'o ia te outou." (Philippians 3:17)


E tofua i tatou ma tagata, i se tasi auala po o se isi, sa fesoasoani i le fausiaina o tatou olaga po o tatou mafauauga. Atonu o se tusiata, o se tagata ta'alo, o se tagata musika, o se tagata pese. Atonu o se faifeau, o se failauga, o se uso, tuagane po o se tuafafine fa'amaoni.



Na fesoasoani ea nei tagata poo "fa'ata'ita'iga" i lo tatou tuputupu a'e ta'ito'atasi, pe na latou ta'ita'ia foi i tatou i ni ala e le tatau ai?

Ua fautua mai Paulo e faaaoao iā i latou o la latou faataitaiga e siitia ai ma faamalosiaina ai i tatou ia faia mea e sili atu (Filipi 3:17). Na ia lapatai mai fo'i, e o'o lava i tagata talitonu, e iai tagata e lē tatau ona faaa'oa'o i ai (Filipi 3:18-19).

O le ā le eseese? O isi e na o mea faalelalolagi e mafauau i ai, ae o isi ua tumau o latou mafauauga ia Iesu. O fa'ata'ita'iga lelei, o i latou ia e fa'aa'oa'o ia Keriso (1 Kori. 11:1).



TAGATANUU ATOATOA

“Aua o lo tatou nuu moni ua i le lagi lea, o loo faatalitali mai ai i tatou i le Faaola, o le Alii o Iesu Keriso;» (Filipi 3:20)



Mo le silafia. E i ai le faafitauli o Kerisiano: o le avea lea ma tagatanuu o nuu e lua. O i tatou uma o tagatanuu o lenei lalolagi ma tagatanuu o le lagi. O le maufuaaga lea o ni feeseeseaiga matuia mo i tatou. (Rom 7:22-23).

O afea e tatou te maua ai le avea ma tagatanuu atoatoa? O afea e muta ai lo tatou avea ma tagatanuu o lenei lalolagi agasala? I le Afio Faalua Mai (Filipi 3:20). A tatou toetutu, (pe liua), ma ua leai se pule a le oti ia i tatou, o le a le mea o le a tupu?



O le a i ai o tatou tino faaletino, ma o le a vaai atu o tatou lava mata i le Atua. (Iopu 19:25-27)

O le a faaleagaga o tatou tino, e le oti, ma e le pala (1 Kori. 15:42-44, 50-54)


O le a faamamaluina i tatou (Kolose 3:4; Filipi 3:21)

AO LEI TATOU TAUNUU ATU I AI

FEALOFANI MA OLIOLI

“Ia outou olioli i le Alii aua le aunoa; ou te toe fai atu, ia outou olioli.” (Philippians 4:4)

I le faai'uga o lana tusi, na feso'ota'i ai e Paulo lana fa'afeiloa'iga ma ni fautuaga aogā. Na ia talosagaina Susiku [soa fa'amaoni] ma Kelemene e fesoasoani ia Evotia ma Sunetui ia nonofo fealofani. O i latou uma nei na galulue fa'atasi ma Paulo, fai mai Paulo: “oi latou ia ua tusia o latou igoa i le tusi o le ola” (Filipi 4:2-3).



Atonu e faigata mo tatou le fautuaga lenei: “Ia outou olioli pea lava [...] Aua ne'i popole i se mea e tasi” (Filipi 4:4, 6). E faapefea ona mafai lenei mea i se lalolagi ua tumu i faafitauli ma puapuaga?

E mafai lenei mea auā o lo tatou olioli o loo i le “Alii” (Filipi 4:4a). Tatou te tuuina atu o tatou popolega ia te Ia, ma le mautinoa e mafai ona Ia tauaveina mo i tatou (Mata. 6:31-34; 1 Pete. 5:7).

Ae fa'apefea ona tu'uina atu o tatou popolega ia Iesu? E ala i le tatalo (Filipi 4:6).



MAFAUFAUGA MAMA

"Le au uso e, o le toe upu lenei; o mea uma ua moni, o mea uma ua ta'uleleia, o mea uma ua tonu, o mea uma ua mamā, o mea uma ua matagofie, ma mea uma ua logoleleia, afai foi o se isi amio lelei, po o se tasi mea e viia, ia outou manatunatu i ia lava mea." (Philippians 4:8)

O le i'uga o le tu'uina atu o tatou popolega iā Iesu ma le olioli, o le filemu lea (Filipi 4:7). O se filemu e lē mafai e le lalolagi ona avatu pe aveesea (Ioane 14:27; 16:33).



O lenei filemu, i la Paulo, o le a avea ma puipuiga—o se leoleo—mo o tatou lagona ma mafaufauga (Filipi 4:7e). Mo le aoga lelei o lea leoleo, o a mea e tatau ona tatou mafaufau i ai (Filipi 4:8)?

I se aotelega: "afai foi o se isi amio lelei, po o se tasi mea e viia, ia outou manatunatu i ia lava mea." (Filipi 4:8e).



FAAMALIEINA

"A o lo'u Atua e faaatoa e ia ia te outou mea uma e matitiva ai outou, e tusa ma le faulai o lona viiga, ia Keriso Iesu."(Filipi 4:19)

Ua matou olioli; e leai se mea e faalavelave ia i matou; ua matou maua le filemu; ua mama o matou mafauauga. Ua matou maua se olaga atoatoa ma faamalieina...e sao?

Atonu tatou te maua le manuia; atonu foi e maua ni manaoga poo ni faafitauli. Afai, e pei o Paulo, tatou te mautinoa atoatoa o le Atua e ta'ita'ia o tatou olaga, o le a tatou tumau pea ia te la ma le mautinoa, po o le a lava lo tatou tulaga (Filipi 4:11-12, 19).



E pei o Akuru, tatou te faatuatua e le foaiina mai e le Atua ia i tatou se mea e sili atu pe itiiti ifo nai lo le mea e aoga mo i tatou (Faata. 30:8-9).

A tatou ola ma lea mautinoaga, ua tatou iloa lelei "Ou te mafaia nei mea uma ona o la ua faamalosi mai ia te au" (Flp 4:13)



FAAMALIEINA

"A o lo'u Atua e faaatoa e ia ia te outou mea uma e matitiva ai outou, e tusa ma le faulai o lona viiga, ia Keriso Iesu."(Filipi 4:19)

O le ā e tupu pe a tatou lē maua mea tatou te manatu tatou te mana'omia?

Tatou ole atu i le Alii, afai e tusa ai ma Lona finagalo, o le a la foaiina mai ia i tatou (Iakopo 4:2b; 1 Ioane 5:14-15).

Tatou te lē iloa i taimi uma pe o mea tatou te ole atu ai e tusa ma Lona finagalo, ae o loo i ai nisi o talosaga tatou te mautinoa e tusa ma Lona finagalo:



Faaolataga mo se pele po o se uo (1 Tim. 2:3, 4)

Lototele e fa'asoa atu ai lo tatou fa'atuatua (Fa'aaliga 22:17)

Fa'amagaloga pe a tatou ta'uta'u ma lafoa'i mea sese (1 Ioane 1:9)

Malosi e usiusitai ai i poloaiga a le Atua (Epe. 13:20, 21)

Alofa i ē e 'ino'ino ma fa'asauā mai iā i tatou (Mataio 5:44)

Poto mo tulaga faigata (Iakopo 1:5)

Malamalama i le upumoni oi le Afioga a le Atua (Ioane 8:32)

“E tatau ona tatou ola mo le lalolagi a sau. E matuā leaga lava le ola i se olaga e leai se fuafuaga ma le mautinoa. Tatou te manana‘o i se mea faitino i le olaga-se ola e i ai sona aoga. Ia fesoasoani mai le Atua ia fai i tatou lava ma taulaga, ia faaitiitia le popole ia te au lava, ia faagalo le au ma le manatu faapito; ia faia mea lelei, e le ona o le mamalu tatou te faamoemoe e maua iinei, ae ona o le faamoemoega lea o lo tatou olaga ma o le a taliina pea iu lenei olaga.”

EGW (Our High Calling, Aukuso 24)